

四庫全書

子部

欽定四庫全書

御定淵鑑類函卷四百十四

木部三

桑

桐

榆

桑一

增爾雅曰桑辨有甚梔

辨半也桑樹一半有甚半無甚曰梔

原又曰女

桑棧桑繫桑山桑

樹小而條長者為女桑樹一名棧桑

增又曰桑柳醜

條

醜類也桑柳皆阿那垂條

格物總論曰桑皮粗枝幹修竦正二

月抽條發葉葉大者盈尺有刻缺面深綠色而有光

原典術曰桑木者箕星之精神木蟲食葉為文章人食

之老翁為小童 易曰繫於苞桑 尚書曰桑土既蠶

又曰厥篚絜絲 詩曰星言夙駕說于桑田 又曰

桑之落矣其黃而隕 又曰無踰我牆無折我樹桑

又曰交交黃鳥止於桑 增又曰蠶月條桑取彼斧斨

以伐遠揚猗彼女桑 又曰徹彼桑土綢繆牖戶 又

曰菀彼桑柔其下侯旬捋采其劉瘼此下民 禮記月

令曰季春之月命野虞無伐桑柘鳴鳩拂其羽戴勝降

于桑具曲植遽筐后妃齋戒親東鄉躬桑 內則曰國

君世子生射人以桑弧蓬矢六射天地四方 祭義曰

古者天子諸侯必有公桑蠶室近川而為之奉種浴于

川桑于公桑 周禮司燿註曰季夏取桑柘之火 原

孟子曰五畝之宅樹之以桑 史記貨殖傳曰齊魯千

畝桑其人與千戶侯等 山海經曰宣山上有桑大五

十尺其枝四衢

枝交出

葉大尺赤理青華名之曰帝女之

桑 又曰陽谷上有扶桑十日所浴 又曰東北海外

赤水在圓丘南有三桑而無枝皆高百仞 又曰衡山  
多桑 增范子計然曰桑葉出三輔 淮南子曰暘谷  
搏桑在東方 原十洲記曰扶桑在碧海中上有天帝  
宮東王所治皆椹樹長數千丈二千圍同根更相依倚  
故曰扶桑仙人食根體作紫色其樹雖大椹如中夏桑  
也九千歲一生實味甘香 神異經曰東方有樹焉高  
八十丈敷張自輔葉長一丈廣六尺名曰扶桑有椹焉  
長三尺五寸 增拾遺記曰員嶠山有木名猗桑煎椹

以為蜜 異苑曰北方有白桑椹長數寸食之甘美

原汜勝之書曰五月種桑取椹著水中濯洗取子陰乾

之治肥田十畝荒久不耕者先好耕治之黍椹子各三

升合種之黍桑俱生鋤之桑令疎條適黍熟穫之放火

燒之當逆風起火桑至春生一畝食三簿蠶 古本草

曰桑根見地上者名痛馬旁行出土者名伏蛇 括地

圖曰化民食桑二十七年化而身裹九年生翼十年而

死 離騷曰路室女之方桑 路室客舍也 孔子遇之以自待

以其貞  
信自待

增文選賦曰倉庚喈喈羣女出桑 陶潛詩

曰相見無雜言但道桑麻長 謝朓詩曰桑柘起寒煙

江淹詩曰但願桑麻成蠶月得紡績 杜甫詩曰舍

西柔桑葉可拈 李白詩曰五月梅始黃蠶稠桑柘空

又曰桑柘羅平蕪 歐陽修詩曰桑枝生椹鳥啁啾

又曰風勁野田桑柘折 又曰綠桑高下映平川

蘇軾詩曰傳云古隆中萬樹桑柘美 又曰去年東坡

拾瓦礫自種黃桑三百尺 王安石詩曰繅成白雪桑

重綠 元好問詩曰童童翠蓋桑初合

桑二

原春秋元命苞曰姜嫄遊閼宮其地扶桑履大人迹生  
稷 呂氏春秋曰伊尹之母居伊水之上孕夢有神告  
之曰白出水而東走無顧明日視白出水告其鄰東走  
顧其邑盡為水身因化為桑有莘氏採桑得嬰兒空桑  
之中獻之于君君令乳之命曰伊尹 史記曰伊陟相  
太戊毫有祥桑穀共生于朝七日大拱 穆天子傳曰



甲寅天子作居范宮

離宮別名

以觀桑者乃飲于桑中

桑林之中

天子命桑虞出桑者用禁暴民

虞主桑者也不得令民犯桑

左傳

曰晉公子重耳出奔及齊齊桓公妻之將行舅犯等謀

于桑下蠶妾在其上聞之以告姜氏姜氏殺之

姜氏重耳妻也

謂公子曰子有四方之志其聞之者吾殺之矣 列子

曰晉文公會欲伐衛公子鉏仰而笑公問何笑曰臣之

鄰人有送其妻適私家者道見桑婦悅而與言然顧視

其妻亦有招之者矣臣竊笑此公悟其言乃止引師還

未至而有伐其北鄙者 左傳曰趙宣子田于首山舍  
于翳桑見靈輒餓曰不食三日矣為之葷食與肉寘諸  
橐以與之既而與為公介倒戟以禦公徒而免之問何  
故曰翳桑之餓人也 增韓子曰子產開畝樹桑鄭人  
謗之 原列女傳曰陳辨女者陳國采桑之女也晉大  
夫解君甫使于宋道過陳遇采桑之女止而戲之曰女  
為我歌吾將舍女女乃歌曰墓門有棘斧以斯之夫也  
不良國人知之 又曰秋胡與采桑婦金不顧還家乃

婦也婦投河而死

詳賢婦人

史記曰吳公子光伐楚拔居

巢鍾離初楚邊邑卑氏之處女與吳邊邑之女採桑二

女家相怒喧兩國邊邑邊邑長聞之怒而攻滅吳之邊

邑吳王怒故遂伐楚兩都列女傳曰齊宿瘤女者初

閔王遊東郭百姓盡觀宿瘤女采桑如故王怪召問之

對曰妾受父母教采桑不受教觀大王王曰此奇女也

聘迎之增古今注曰邯鄲有美女秦羅敷王仁妻仁

後為趙王家令羅敷出採桑陌上王登臺見而悅之因

飲酒欲奪焉羅敷善彈箏作陌上桑之歌以自明 原

東觀漢記曰蔡君仲汝南人至孝王莽亂人相食君仲  
取桑椹赤黑異器賊問所以云黑與母赤自食賊義之  
遺鹽二斗 謝承後漢書曰張堪為漁陽太守勸民耕

種百姓歌之曰桑無附枝麥秀兩岐張君為政樂不可  
支 增又曰陳留申屠蟠恥郡無義士遂閉門養志蓬  
戶萊室依大桑樹以為棟梁 又曰汝南伊昆為汝陰  
縣功曹令新到官問曰園中有桑以食蠶何如昆曰非

初至所務 後漢書曰高弘為瑯琊相妻子不入官舍  
用桑柘盛漿 又曰陳曄為巫令桑旅生二萬餘株民  
以為給 異苑曰漢興平元年九月桑再堪時劉先主  
軍小沛年荒穀貴士衆皆饑仰以為糧 原益都耆舊  
傳曰何祗夢桑生井中趙直占曰桑非井中之物桑字  
四十八君壽恐不過此祗年四十八而卒 蜀志曰先  
主舍東南角籬上有桑樹生高五丈餘遙望童童如小  
車蓋往來者皆怪此樹非凡或謂當出貴人先主少時

與宗中諸小兒於樹下戲言吾必當乘此羽葆蓋車

增又曰初諸葛孔明自表後主曰成都有桑八百株薄  
田十五頃子弟衣食自有餘饒不別治生以長尺寸若  
臣死之日不使內有餘帛外有贏財以負陛下及卒如  
其所言 魏略曰楊沛為新鄭長課民畜桑椹蠶豆積  
得千餘斛太祖迎天子軍乃無糧沛進乾椹後為鄴令  
賜其生口十人絹百疋以報乾椹也 原晉令曰丞尉  
以官舍有桑皆給之其無桑及不滿三百株皆使吏卒

隨聞于官舍種桑滿三百株 增晉書曰張天錫少有

文才流譽遠近及歸朝甚被恩遇朝士以其國破身虜

多共毀之會嵇王道子嘗問其西土所出天錫應聲曰

桑堪甜甘鷓鴣革響乳酪養性人無妬心 世說曰有

王甲從北方來詣謝公問北方何果最勝甲云桑堪最

好謝公問可以比江東何果甲云是黃甘之流公曰君

何乃爾妄語甲恐責乃買駿馬候熟時取數千枚還以

奉公公食之以為美乃謂甲此味乃江東所無而君近

比黃甘于是引甲為賓客 原述異記曰桓冲為江州

刺史遣人周行廬山冀覩靈異既陟崇巘有一湖生桑  
樹有敗舫赤鱗魚使者渴極欲往飲水赤鱗張鰭向之  
使者不敢飲 增石虎鄴中記曰桑梓苑中盡種桑三

月三及蠶時虎皇后宮人數千出桑遊戲其下 原崔

鴻後燕錄曰初晃之遷于龍城植桑為社主及秦滅燕  
大風吹拔後數年度社處忽有桑二根生焉先是遼川  
無桑及槐通于晉求種江南平川之桑由晃始也 增



洛陽伽藍記曰洛中願會寺佛堂前生桑樹一株直上  
高五尺枝條橫遶柯葉旁布形如羽蓋復高五尺又葉  
凡為五重每一重葉樞各異京師道俗謂之神桑觀者  
咸市布施者甚衆帝聞而惡之以為惑衆命給事黃門  
侍郎元紀伐之其日雲霧晦冥下斧之處流血至地見  
者莫不悲泣 南史曰太祖宅在武進宅南有一桑樹  
擢本三丈橫生四枝狀似華蓋帝年數歲好戲其下從  
兄敬宗曰此樹為汝生也 又曰沈瑀為建德令教人

一丁種十五株桑四株柿及梨栗女丁半之人咸歡悅  
頃之成林 又曰襄陽人鄰居種桑樹於界上為誌韓

係伯以桑枝蔭妨他地遷界上開數尺鄰人隨復侵之  
係伯輒更改種鄰人慙還所侵地 隋書曰齊河清中

定令丁給永業二十畝為桑田給其種桑五十根榆三  
根棗五根土不宜桑者給麻田如桑法 英華錄曰唐

京兆萬年縣大寧坊有桑樹一株暮秋生子初冬堪熟  
鳳閣侍郎李元素取之以進 唐書曰李德裕居家以

儉約自處每謂子孫曰吾近京城有賜田十頃耕之可以充食桑若干根可以充衣 宋列傳曰杜生者不知其名縣人呼為杜五郎不出門者三十年黎陽尉孫軫訪之問所以不出門之故因笑指門外一桑曰憶十五年前亦曾納涼其下何謂不出 原搜神記曰舊說有人遠征家有一女馬一匹女思父乃戲馬曰爾能為我迎得父吾將嫁汝馬乃頓韁而去迎得父來後馬見女輒怒父問之女具以告父乃殺馬曝皮于庭女之皮所

曰爾馬也而欲人為婦自取屠剥何如言未竟蹶然忽起卷女而行父失女後于大桑樹枝間得女及皮盡化為蠶績樹上其繭厚大異常鄰婦取養之其收亦倍今世謂蠶為女兒古之遺語也

### 桑三

原鵠集

雉馴

詩肅肅鵠行集于苞桑書魯恭為中牟令雉馴桑下

變海

通泉

淮南子東海三變于桑田玄中記天下之高者扶桑無枝木焉上至天盤屈而下通三泉

沃葉

醜條

詩桑之未落其葉沃若下見桑一爾雅

增烘堪

藏地

雅小

樵彼桑薪，叩烘于燧。風俗通：楊範字文端，齊人。齊宋之亂，母在賊中，範採葢藏于地，夜取之，進母。如是非一。

忽地中得米十斛，上有字云：米。

睇日

知風

淮南子：扶桑在

陽州日之所晞。

古詩：枯

執筐以求

異器而取

詩：女

桑知天風海水知天寒。

執懿筐，遵彼微行，爰求柔桑。下見桑二。東觀漢記。

西河社

南陽巢

庾信賦：西河有

枯桑之社。廣異記：南方赤帝女，學道得仙，居南陽崕

山。桑樹上正月一日銜柴作巢，或作山白鵲，或作女人

赤帝見之，悲慟誘之，不從。

戲乘羽葆

令探金環

火焚之，即昇天。因名帝女桑。

上見桑二。蜀志：羊祜字叔子，五歲時令

乳母于東家桑中探得金環，是前身所藏。

五重羽蓋

六寸菩提

上見桑二。伽藍記：陸游南唐書烈祖末，年漂水天興寺，桑生木人長六寸，如僧狀。

右袒而左跪衣袂皆備色如純漆可鑑謂之須菩提置  
龕中以仁壽節來獻烈祖驚異迎置宮中奉事甚謹其  
徒因以為感應而識者按  
焦氏五行書知且有喪

### 桑四

原詩後漢宋子侯董嬌嬈詩曰洛陽城東路桃李生路  
傍花花自相對葉葉自相當春風東南起花葉正低昂  
不知誰家子提籠行採桑纖手折其枝花落何飄揚請  
謝彼妹子何為見損傷高秋八月白露變為霜終年  
會飄墮安得久馨香秋時自零落春月復芬芳何如盛

年去歡好永相忘吾欲竟此曲此曲愁人腸歸來酌美

酒挾琴上高堂魏曹植豔歌曰出自薊門北遙望湖

池桑枝枝自相植葉葉自相當梁簡文帝采桑詩曰

春色映空來先發院邊梅細萍重疊長新花歷亂開連

珂往淇上接憶至叢臺叢臺可憐妾當窗望飛蝶忌跌

行衫領熨斗成褊褊寄語采桑伴訝今春日短枝高攀

不及葉細籠難滿吳筠采桑詩曰妾賤思不堪采桑

渭城南帶減連枝繡髮亂鳳皇簪花舞依長薄蛾飛愛

綠潭無由報君信流涕向春蠶 又陌上桑詩曰嫋嫋

陌上桑陰陌復垂塘長條繫白日細葉隱鸝黃蠶饑妾

復思拭淚且提筐故人寧知此離恨煎人腸 劉邈萬

山見采桑人詩曰倡女不勝愁結束下青樓逐伴西城

路相攜南陌頭葉盡時移樹枝高乍易鉤絲繩挂且脫

金籠寫復收蠶饑日已暝詎為使君留 王臺卿詠陌

上桑詩曰令月開和景處處動春心挂筐須葉滿息倦

重枝陰 陳徐伯陽賦得日出東南隅詩曰朱城璧日



啟朱扉青樓含照本暉暉遠映陌上春桑葉斜入秦家  
紺綺衣羅敷妝粉能佳麗鏡前新梳倭墮髻圓籠裊裊  
挂青絲鐵鉤冉冉勝丹桂蠶饑日晚慙生愁忽逢使君  
南陌頭五馬停珂遣借問雙臉含嬌特好羞妾壻府中  
輕小吏即今來往專城裏欲識東方千騎歸藹藹日暮  
紅塵起 增元趙孟頫題耕織圖詩曰仲春凍初解陽  
氣方滿盈旭日照原野萬物皆欣榮是時可種桑插地  
易抽萌列樹徧阡陌東西各縱橫豈惟籬落間采葉憚

遠行大哉皇元化四海無交兵種桑日已廣彌望綠雲  
平匪惟錦綺謀祇以厚民生

原賦魏繁欽桑賦曰上似華蓋紫極比彤下象鳳闕萬  
桷一楹叢枝互出乃錯乃并炎炎隆暑涼風自生微條  
纖繞隨風浮沉陽蜩鳴其南枝寒蟬噪其北陰秋風忽  
其將來咸感節而悲吟玩庇蔭之厚惠情眷眷而愛深  
晉陸機桑賦曰皇太子便坐蓋本將軍直廬也初世  
祖武皇帝為中壘將軍植桑一株世更二代年漸三紀

扶疏豐衍抑有瑰異焉夫何佳樹之洪麗超托居乎紫  
庭羅萬根以下洞矯千條而上征豈民黎之能植乃世  
武之所營故其形瑰族類體豔衆木黃中爽理滋榮煩  
縟綠葉興而盈尺崇條蔓而曾尋希太極以延峙映承  
明而廣臨華飛鶚之流響想鳴鳥之遺音惟厯數之有  
紀恒依物以表德豈神明之所相將我皇之先識跨百  
世而勿翦超長年以永植 潘尼桑樹賦曰從明儲以  
省膳憩便房以偃息觀茲樹之特偉感先皇之攸植蔚

蕭森以四射邈洪榮而端直爾乃徘徊周覽俯仰逍遙  
俛睨靈根上眺脩條洞芳泉于九壤含溢露于清霄倚  
增城之飛觀拂綺窗之疏寮下迢遞以極望上扶疎而  
參差匪衆鳥之攸萃相皇鸞之羽儀理有微而至顯道  
有隱而應期豈皇晉之貞瑞兆先見而啟茲起尋抱于  
纖毫崇萬簣于始基 傳咸桑樹賦曰世祖昔為中壘  
將軍于直廬種桑一株迄今三十餘年其茂盛不衰皇  
太子入朝以此廬為便坐伊茲樹之僥倖蒙生生之渥

惠降皇躬以斯植遂弘茂于聖世厥茂伊何其大連尋  
脩柯遠揚洪條梢樛布繁枝之沃若播密葉以垂陰蔭  
華寓而作涼清隆暑之難任以厥樹之巨偉登九日于  
朝陽且積小以高大生合抱于毫芒猶帝道之將升亦  
累德以彌光湯躬禱于斯林用獲雨而興商惟皇晉之  
基命爰于斯而發祥從皇儲于斯館物無改于平生心  
惻切以興思思有感于聖明步彷徨以周覽庶髣髴于  
儀形

原贊晉郭璞帝女桑贊曰爰有洪桑生濱淪潭厥園五丈枝相交參園客是采帝女所蠶

增表唐李嶠進初冬棖熟表曰鷓鴣已革見蠻貊之懷音絲繭行豐知府藏之逾實

柘

增本草曰柘喜叢生幹疎直葉圓有尖結實如椒其木染黃赤色謂之柘黃又奴柘似柘而小有刺葉亦柞可飼蠶古今注曰柘實曰佳

音錐

周禮冬官曰弓人辨六

材一曰柘 又考工記曰弓人取幹之道柘為上 投  
壺曰矢以柘若棘無去其皮 古史考曰烏號弓以柘  
枝為也 譙周曰野柘枝勁烏集之將飛柘樹反起彈  
烏烏乃驚號伐取為弓故稱烏號弓 崔寔四民月令

曰柘染色黃赤人所尊君

黃者中尊赤者南方人君之所向也

蠶書曰

柘葉飼蠶其絲作琴瑟弦清響勝凡絲 草木狀曰柘

宜山石柞宜山阜楮宜澗谷柳宜下田竹宜高平之地  
清異錄曰張曲江里第之側有古柘嘗因狂風發其

一根解為器具花紋甚奇人以公之手筆冠世目之曰  
文章木 物類相感志曰柘木以酒醋調礦灰塗之一  
宿則作間道烏木文柘通腎氣聖惠方治耳聾耳鳴有  
柘根酒 楚詞曰有柘漿些 漢樂府歌曰泰尊柘漿  
析朝醒

榆一

原爾雅曰菹莖

今之刺榆針刺如柘葉如榆淪為茹美滑

無姑其實夷

姑榆也生

山中葉圓而厚剥取皮合榆白粉

粉榆先生葉却著莢

增邢昺



疏曰榆之類有十種葉皆相似皮及木理異矣 本草

李時珍曰榆有莢榆白榆刺榆榔榆莢榆白榆皆大榆  
也有赤白二種白者名扮其木甚高大未生葉時枝條  
間先生榆莢形狀似錢而小色白成串俗呼榆錢後方  
生葉似山茱萸葉而長尖梢潤澤嫩葉燻浸淘過可食  
三月采榆錢可作羹亦可收至冬釀酒淪過曬乾可為  
醬山榆之莢名蕪莢與此相近但味稍苦耳 原廣志  
曰有姑榆有榔榆榔榆無莢又任車用至善蠶者出渤

海東光以供官 增詩曰東門之枌宛丘之栩子仲之

子婆婆其下 原又曰山有樞隰有榆 又曰隰有六

駁

陸璣疏曰駁駁馬梓榆也樹皮青白駁犖遙視似駁馬故名駁

禮記內則曰槿苴

枌榆免薨滫瀡以滑之 增周禮司燿註曰春取榆柳

之火 原春秋元命苞曰三月榆莢落 史記天官書

曰凡望雲氣平望在桑榆上餘二千里 增後漢書馮

異傳曰失之東隅收之桑榆 原晉宮閣名曰華林園

榆十九株 莊子曰鵲上高城之垓而巢于高榆之顛

城壞巢折凌風而起故君子之居世也得時則義行失

時則鵲起 管子曰五沃之土其榆條直以長 范子

計然曰蕪蕘出地赤心者善 淮南萬畢術曰八月榆

孺令人不飢 博物志曰食枌榆則眠不欲覺 風俗

通曰桑車榆轂聞聲數里 汜勝之書曰種木無期因

地為時三月榆莢雨時高地強土可種木 雜五行書

曰舍北種榆九株蠶大得 夢書曰榆為人君德至仁

也夢采榆葉受賜恩也夢居樹上得貴官也 崔寔月

令曰二月榆莢成及青收乾為旨蓄色變白將落可作

醬醕

音牟頭榆仁醬也

文選稽康養生論曰豆令人重榆令

人眠愚智所知也 古詩曰天上何所有歷歷種白榆

增唐韓愈詩曰隔牆榆葉散青錢 李賀詩曰沈郎

青錢夾城路 李王英詩曰滿地榆錢不療貧

## 榆二

原韓詩外傳曰楚莊王將伐晉曰敢諫者死孫叔敖進  
諫曰園中有榆榆上有蟬方奮翼悲鳴飲清露不知螳

螂之在後曲頸欲食之螳螂方欲食蟬不知黃雀在後  
舉頭而欲啄之黃雀食螳螂不知童子挾彈在榆下欲  
彈之童子不知在前有深坑後掘株也楚乃息伐漢  
書郊祀志曰高祖禱豐杌榆社桓譚新論曰劉子駿  
信方士虛言為神仙可學余見其庭下有榆樹久老  
剥折指謂曰彼樹無情然猶朽蠹人雜欲愛養何能使  
之不衰魏志曰鄭渾為魏郡太守百姓乏材木課種  
榆為籬趙書曰從幽州大道滹沱河造浮橋植行榆

五十里置行宮

增元五行志云元貞元年太平路燕

湖縣進榆木有文曰天下太平

### 榆三

增鵲起

鳩搶

上見榆一莊子曰我決起而飛搶榆枋時則不至而控

于地而已矣奚以之九萬里而南為

扇地

為籬

本草諸榆性皆扇地故其下五穀不植

下詳榆二魏志

食皮

懸履

漢書天文志成帝河平元年旱傷麥民食榆皮清異錄金鄉

路邊一老榆行人于樹下易鞋履以其舊者懸而去時人指為鞢鞋樹

### 榆四

增詩唐施肩吾戲詠榆莢詩曰風吹榆錢落如雨繞林繞屋來不住知爾不堪還酒家漫教夷甫無行處 宋

蘇軾御史臺榆詩曰我行汴堤上厭見榆陰綠千株不盈畝斬伐同一束及居幽囚中亦復見此木蠹皮漏秋雨病葉埋牆曲誰言霜雪苦生意殊未足坐待清風至飛英覆空屋 蘇轍次韻子瞻賦獄中榆詩曰秋風一何厲吹此山中綠可憐凌雲條化為樵夫束凜然造物意豈復私一木置身有得地不問直與曲青松未必貴

枯榆還自足紛然落葉下蕭條魏華屋

原書魏應璩與龐惠恭書曰頻見所上利民之術植濟南之榆栽漢中之漆

# 桐一

原爾雅曰櫟梧

今梧

榮桐木

與上櫟梧一也

增宋陳翥桐譜

曰紫花者名紫桐花如百合實堪糖煮嚼白花者名白

桐類穀花而不實白者葉圓大尖長花先葉而開紫者理細性緊拔生不及白花者之易一種油桐名膏桐實



可厭油一種刺桐文理細密性喜折裂花側萼如掌體

有巨刺如櫟樹實如楓一種頰桐身青葉圓大而長高

三四尺即有花花色紅如火無實一種人家所植名梧

桐皮白葉青子可噉 本草李時珍曰白桐即泡桐也

葉長徑尺最易生長皮色粗白其木輕虛不生蟲蛀作

器物屋柱甚良二月作花如牽牛而白實如巨棗長寸

餘殼內有子片輕虛如榆莢葵實之狀老則殼裂隨風

飄揚其花紫色者名岡桐荏桐即油桐也枝幹花葉並

類岡桐而小但實大而圓為油為時所須青桐即梧桐  
之無實者梧桐皮青不散其木無節直生理細而性緊  
葉光滑有尖其花細蕊墜下如醖其莢長三寸許五片  
合成老則裂開謂之橐鄂子綴其上大如胡椒而皮皺  
海桐皮有巨刺或云即刺桐也 格物總論曰桐樹大  
者數圍空中枝幹森竦葉大圓而尖梧桐樹葉大如掌  
原書曰嶧陽孤桐 詩曰椅桐梓漆爰伐琴瑟 又  
曰梧桐生矣于彼朝陽 禮記曰季春之月桐始華

周書曰清明之日桐始華桐若不華歲有大寒 禮斗

威儀曰君乘火而王其政平梧桐為常生 孟子曰今

有場師舍其梧櫝養其櫟棘則為賤場師焉 易緯曰

桐枝濡毳而又空中難成易傷須成氣而後華 齊地

記曰城北十五里有桐臺即梧宮也 劉會鄒山記曰

鄒山古之嶧陽魯穆公改為鄒今鄒山嶧陽猶多桐樹

華陽國志曰益州有梧桐木其華米如絲人績以為

布名曰華布 何遜遊山記曰吹臺有高桐皆百圍嶧

陽孤桐方此為劣 沈懷遠南越志曰青桐花頗似木

綿而輝薰過之 增滇南雜記曰永昌有梧桐子比中

州者形頗長大者幾可當蓮實過永昌亦不可得 原

管子曰五沃之土其木宜桐 莊子曰外乎子之神勞

乎子之精倚樹而吟據梧而瞑 又曰空門來風桐乳

致巢

馬彪注曰門戶空風自西生桐子似乳著鳥之巢自來棲之

蘇子曰夫人生

一世若曉露之託桐葉耳其與幾何 增呂覽曰鄰父

有與人鄰者有枯梧樹其鄰之父言梧樹之不善也鄰

人遽伐之鄰父因請而以為薪其人不說曰若此之險也豈可為之鄰哉此有所宥也 原淮南萬畢術曰桐

木成雲

取十石大甕滿水中置桐木蓋之至三四日如雲形

董仲舒請雨書曰

秋以桐魚九枚 廣志曰梧桐有白者異國有白桐木其葉有白毳取其毳淹漬績織以為布也 遁甲書曰

梧桐不生則九州異居 齊民要術曰梧桐山石間生者為樂器則鳴 瑞應圖曰王者任用賢良則梧桐生于東廂 增埤雅曰桐柔木也而虛其心若能同者

原枚乘七發曰龍門之桐百尺無枝其中鬱結輪囷扶  
疎以分離 崔琦七蠲曰爰有梧桐生于北谿傳根朽  
壤託險生危 張協七命曰寒山之桐出自大冥含黃  
鍾以吐榦據蒼岑以孤生 增崔駰七依曰爰有洞庭  
之椅桐依峻岸而傍生 韓愈集曰碧梧翠竹鸞鵲對  
峙 杜甫詩曰桐葉坐題詩 李白詩曰秋色老梧桐

桐二

原新論曰神農皇帝削桐為琴 呂氏春秋曰成王與

唐叔虞燕居援桐葉以剪珪以告曰以此封汝虞喜以告周公周公請封虞王曰余與虞戲周公曰臣聞之天子無戲言于是遂封叔虞于晉 增說苑奉使篇曰楚使使聘于齊齊王饗之梧宮使者曰大哉梧乎王曰江漢之魚吞舟大國之樹必巨使何怪焉使者曰昔燕攻齊遵洛路渡濟橋焚雍門王與太后奔于莒逃于陽城之山當此之時則梧之大何如乎王使刁勃對之曰使者問梧之年乎昔者荊平王為無道殺子胥父與其兄

子胥入吳闔閭以為將相三年將吳兵復讐楚戰勝乎  
柏舉王保于隨引師于郢子胥親射王宮掘平王塚咎  
其墳當若此時梧可以為樹矣 原伏候古今注曰昭  
帝丹鳳二年馮翊人獻桐枝長六尺九枚枚一葉也

增論衡曰李子長為政欲知囚情以梧桐為之象囚形  
乃鑿地為陷臥木囚其中曰罪若正木囚不動有冤木  
囚動出人之精誠著木人也 漢書曰蔡邕聞吳人燒  
桐以爨者聞火烈聲因請以為琴 原異苑曰臨平岸



出石鼓張華云取蜀中桐材刻魚形扣之音聞數十里

又曰句章吳平州門前忽生一株青桐樹上有謠歌

之聲平惡而斫殺平隨軍北虜首尾三載死桐歛自還  
立于故根上聞聲樹巔空中歌曰死樹今更青吳平尋  
當歸適聞殺此樹已復有光輝平尋歸如鬼謠 三秦

記曰初長安謠云鳳凰止阿房苻堅遂于阿房城植桐  
數萬株至慕容冲入阿房而居冲小字鳳凰 王孚安  
成記曰府君諱保如今樹梧于苞兩邊柯葉菴藹炎暑

為之清涼百姓列宅其間 增南史曰齊豫章王疑于

邸起土山列種桐竹號為桐山 北史曰元魏孝文宴

侍臣于清徽堂日宴移于流化池芳林下帝仰觀桐葉

之茂曰其桐其椅其實離離愷悌君子莫不令儀今林

下諸賢足敷歌詠遂令黃門侍郎崔光讀暮春羣臣應

制詩至彭城王勰詩帝為改一字 原祖台之志怪曰

騫保至檀丘塢上北樓宿暮鼓二中有人著黃練單衣

白帻將人持炬火上樓保懼藏壁中須臾有二婢上帳

使迎一女子上與白恰人入帳宿未明白恰輒先去保  
因入帳中持女子問向去者誰答曰桐郎道東廟樹是  
也至暮二更桐郎復來保乃斫取之縛著樓柱明日視  
之形如人長三尺餘檻送詣丞相渡江未半風浪起桐  
郎得投入水風波乃息 增酉陽雜記曰歷城房家園  
齊博陵君豹之山也其中雜樹森疎或有人折其桐枝  
者君曰何為傷吾鳳條自後人不復折 搢紳脞說曰  
顧況嘗于御溝水上得桐葉上題曰一入深宮裏年年

不見春還憑一片葉寄與有情人其詩若答況者清  
異錄云溫陵城留從効重加板築植刺桐環繞之其樹  
高大而枝葉蔚茂初夏開花極鮮紅如葉先萌而花後  
發主明年五穀豐熟

### 桐三

原鳳翔

鸞集

傳咸梧桐賦停公子之龍駕息旅人之行有瞻華實之離離想儀鳳之來翔

劉義恭華林四瑞桐樹甘露贊遠延鳳翽遙集鸞步惠潤何廣霑我明庶

三株

一葉

晉宮

闕名曰華林園青白桐三株唐李白詩梧桐落金井一葉飛銀牀按金井以葉上有黃圈文如井非井欄也

增半死半生

愈輕愈重

枚乘七發龍門之桐其根半死半生 陳肅桐譜桐

體濕則愈重乾則愈輕生時

據蒼岑

拂碧瓦

上詳

七命 宋歐陽脩詩

禮可懸弧

材難為弩

禮懸弧東方以

梧為弧 淮南子智有所不足故桐不可弓為弩

成雲

知月

上見桐一淮南子遁甲

注梧桐知日月正閏其樹生十二葉一邊有六葉則知無閏有閏則生十三葉從下數起每葉為一月視葉小

者則知

帶晨霞

落秋雨

謝靈運詩桐林帶晨霞白居易歌秋雨梧桐葉落

時

孫枝中琴瑟

乾葉錚琅玕

尚書注曰嶧陽特生

採東南孫枝為琴聲甚清雅案桐小枝皆堅實而其本皆虛貴孫枝者貴其實也 韓愈詩霜風侵梧桐眾葉

著樹乾空階一片  
響錚若摧琅玕

#### 桐四

原詩魏明帝詩曰雙桐生空井枝葉自相加通泉浸其  
根泣雨潤其柯 晉司馬彪與山巨源詩曰苕苕倚桐  
樹寄生于南岳上陵青雲霓下臨千仞谷處身孤且危  
於何托余足昔也植朝陽傾枝俟鸞鷟今者絕世用倥  
偬見迫東班匠不我顧牙曠不我錄焉得成琴瑟何由  
揚妙曲卞和潛幽巖誰能證奇璞冀望神龍來揚光以

見燭 宋伏系之詠椅桐詩曰亭亭椅桐鬱茲庭圃翠  
條疎風綠柯蔭宇 鮑昭山行見孤桐詩曰桐生叢谷

裏根孤地寒陰未霜葉已肅不風條自吟幸願見彫斲  
為君堂上琴 齊謝朓遊東堂詠桐詩曰孤桐北窗外  
高枝百丈餘枝生既婀娜葉落更扶疎無華復無實何  
以贈離居裁為珪與璋足可命參墟 梁簡文帝賦得  
雙桐生空井詩曰季月雙桐井新枝雜舊株晚葉藏棲  
鳳朝花拂曙烏 王筠奉酬從兄臨川桐樹詩曰伊昔

擅羽儀待價龍門垂優游清露點徽穆惠風吹月上陰  
陽幹雲覆死生枝公子存高尚聊用影華池棲鸞既不  
重舞鶴復何施方同散木爨清響竟誰知 沈約詠梧  
桐詩曰秋還遽已落昏曉猶未薨微葉雖可賤一翦或  
成珪 又八詠悲落桐曰悲落桐落桐早霜露燕至葉  
未抽鴻來枝已素幽根未蟠結孤株復危絕初不照光  
景終年負霜雪勿言草木賤徒照君末光末光不徒照  
為君含噉咷陽柯泣綠水陰枝苦寒調厚德非所任不



敢虛其心若逢陽春至吐綠照清潯 又詠孤桐詩曰

龍門百尺時排雲少孤立分根蔭玉池欲待高鸞集

吳均共賦韻同詠庭中桐詩曰龍門有奇價自言梧桐  
枝華暉實掩映細葉能披離不降周王子空待歲時移  
嚴風忽交勁遂使無人知 隋魏彥深詠桐詩曰未求

裁作瑟何用削成珪願寄華庭裏枝橫待鳳棲 增唐

李嶠詠桐詩曰孤秀嶧陽岑亭亭出衆林春光雜鳳影  
秋月弄圭陰高映龍門迴雙依玉井深不因將入爨誰

為作鳴琴 王昌齡段宥廳孤桐詩曰鳳凰所宿處月

映孤桐寒槁葉零落盡空柯蒼翠殘虛心誰能見直影

非無端響發調尚苦清商勞一彈 韋應物題桐葉詩

曰參差剪綠綺蕭灑覆瓊柯憶在澧東寺偏書此葉多

戴叔倫詠梧桐詩曰亭亭南軒外貞幹脩且直廣葉

結青陰繁花連素色天然韶雅性不媿知音識 元稹

宿曾峰館夜對桐花寄樂天詩曰微月照桐花月微花

漠漠怨澹不勝情低徊拂簾幕葉深陰影細露重枝條

弱夜久春恨多風清暗香薄是夕遠思君思君瘦如削

我在山館中滿地桐花落 陸龜蒙詠井上桐詩曰美

人傷別離汲井常待曉愁因轆轤轉驚起雙栖鳥獨立

傍銀牀碧梧風嫋嫋 宋蘇轍和鮮于子駿桐軒詩曰

桐身青琅玕桐葉蒲葵扇落落成軒墀亭亭奉閒燕夜

深疎雨滴午影微風轉秋飈一凌亂浙瀝驚惹倩朝日

失繁陰青苔覆遺片空使坐中人慨然嗟物變 元郝

經秋桐詩曰高秋江漢波卉木入搖落荒林擁孤桐夢

草重繞縛淒迷氣日喪憔悴若隕籜黃凋晚風吹青裂  
饑鳥啄無時亦無儔幢幢老陰薄儀鳳安所棲宮樹空  
寂寞謂汝無自傷植根亦嬌弱豈能持風寒況乃失所  
托何時此宴居掃鋤剪荒惡攜幼扳庭柯遂我生聚樂  
丁鶴年詠梧桐詩曰井桐徹夜下霜風錦繡園林瞬  
息空老盡秋容何足惜鳳巢吹墮月明中 明高啟詠  
桐樹詩曰晴粉朝英墜涼瓊夏葉舒鳥啼高樹早蟾轉  
薄疏虛朱絃未薦曲彤管屢題詩坐恐銷華澤商吹起

前除 王問洗桐詩曰梧桐生高岡葦葦貽夏陰挹取  
葉上露為予洗其心有時藉橐君閒情寄徽音何以報  
爾德激泉濯朝林永日影相對勿使塵浣侵

原賦晉傳咸梧桐賦曰美詩人之攸貴兮覽梧桐乎朝  
陽蔚葦葦以萋萋兮鬱株列而成行夾二門以駢羅作  
館寓之表章 夏侯湛愍桐賦曰有南國之陋寢植嘉  
桐乎前庭闡洪根以誕茂豐脩幹以繁生納谷風以疎  
葉含春雨以濯莖濯莖天天布葉藹藹蔚童童以重茂

蔭蒙接而相蓋蔽陰澹之南表覆陽阿之北外於是詰  
朝之暇步趾前廡春以遊目夏以清暑昔詩人之所稱  
美厥生之攸奇植匪岡其不滋識非條其不儀 宋袁  
淑桐賦曰越衆木之薰狗勝雜樹之藻緝信爽幹以弱  
枝實裏素而表綠若乃根莢條茂蹟曠心冲貞觀于曾  
山之陽抽景於少澤之東被籍兮煙霞懷珮兮星虹儀  
丹丘之瑞羽棲清都之仙宮 劉義恭桐樹賦曰伊梧  
桐之靈材蔚疎林而擢秀元根通徹於幽泉密葉垂藹

而增茂挺脩幹蔭朝陽招飛鸞鳴鳳凰甘露灑液於其  
莖清風流薄乎其枝丹霞赫奕於其上白水浸潤乎其  
陂南齊蕭子良梧桐賦曰植椅桐於廣囿嗟倏忽而  
成林依層楹而吐秀臨平臺而結陰乃抽葉而露始亦  
結實於星沈聳輕條而麗景涵清風而散音發雅詠於  
攸昔流素賞之在今必鸞鳳而後集何燕雀之能臨匪  
伊楚宮側豈獨嶧山岑邈蒿萊之難儷永配道於仙琴  
齊王融應竟陵王教桐樹賦曰梧桐生矣于邱岫之

曾隈儀龍門而插幹佇鳳羽以抽枝蹤楚宮而留稱籍  
溜館以翻聲直不繩而特秀圓匪規而天成同歲草以  
委暮共辰物而滋榮豈遠心以自外寧有志於孤貞

梁沈約桐賦曰龍門之桐遠望青蔥專巖擅嶺或孤或  
叢枝封暮雲葉映畫虹抗蘭橈以栖龍拂雕窗而團露  
喧密葉於鳳晨宿高枝於鸞暮合影陽崖標峰東陸俯  
結重陰仰成翠屋乍髣髴於行雨時徘徊於丹轂遶齊  
綵於碧林豈慙光於若木



原贊郭璞梧桐贊曰桐實嘉木鳳凰所棲爰伐琴瑟八  
音克諧歌以永言唯唯喈喈 宋孝武孤桐贊曰珍無  
隱德產有必甄資此孤幹獻枝楚山稍星雲界衍葉炎  
厘名列貢寶器贊虞絃

增表晉范甯為豫章郡表曰永修公國相萬主解列到  
縣巡行邑治縣西北出二里有林中兩桐樹下根相去  
一丈上枝相去丈八連合成一

椒一

原爾雅曰檄大椒 增又曰椒檄醜菜 毛詩陸璣疏

曰椒樹似茱萸蜀人作茶吳人作茗皆煮其葉以為香

今成臯諸山間有椒謂之竹葉椒樹亦如蜀椒少毒熱

不中合藥可著飲食中東海諸島上亦有椒子長而不

圓甚香味似橘皮島上麋鹿食此其肉自然作椒橘香

通志曰椒曰蓐藪曰陸檄曰南椒蜀中者曰蜀椒巴

中者曰巴椒廣東椒蔓生者冬月取椒藤置土坎中用

稻草覆之次年春發坎取藤節有萌芽者種田壟間結

子青綠色皮皺曝乾味與樹椒同 本草曰椒樹似茱

萸有針刺其實莖六月紫赤子突出如目謂之椒目葉  
堅而滑澤取殼為芼甚辛芳入藥治邪氣欬逆溫中下  
氣出蜀漢者良 原詩曰椒聊之實蕃衍盈升 又曰

貽我握椒 春秋運斗樞曰玉衡星散為椒 援神契

曰椒薑禦溫菖蒲益聰 山海經曰琴鼓之山其木多

椒景山多秦椒 增續漢書曰天竺國出石蜜胡椒黑

鹽 風土記曰三香椒欖薑 莊子曰韋以袞椒雖踰

締綌然久則臭 原孫卿子曰民之親我驩若父母其

好我芬若椒蘭 本草曰蜀椒久服之頭不白令寒者

熱熱者輕輕者重 范子計然曰蜀椒出武都赤色者

善秦椒出天水隴西細者善 博物志曰外國豉法以

酒浸令極乾以麻油蒸之後曝三日篩椒屑以意多少

合投之胡椒酒方以好酒五升乾薑一兩胡椒七十枚

末好石榴五枚管收計著中下氣 崔寔四民月令曰

正月之旦進酒降神畢室家無大小次坐先祖之前子

孫各上椒酒於其家長稱舉白 離騷曰雜申椒與菌

桂 增又曰懷椒櫝以要之 原九歌曰奠桂酒兮椒

漿 又曰荃壁兮紫壇播芳椒兮成堂 增九章曰鑿

申椒以為糧 原風賦曰大王之風徘徊椒桂之間

增洛神賦曰踐椒塗之郁烈 阿房宮賦曰煙斜霧橫

焚椒蘭也 杜甫詩曰塹北行椒却背邨

椒二

原漢官儀曰皇后稱椒房取其實蔓延盈升以椒塗室

亦取其溫煖 增燉煌新錄曰虜割刺荅魯之右大渾

中高百尋然無草木石皆艷色山產椒椒大如彈丸然  
之香徹數里每然椒則有鳥自雲際蹁躚五色名赭爾  
鳥蓋鳳凰種也漢武帝遣將軍趙破奴逐匈奴得其椒  
不能解詔問東方朔朔曰此天仙椒也塞外千里有之  
能致鳳武帝植之太液池至元帝時椒生果有異鳥翔  
集 原漢記曰桓帝竇后崩中常侍曹節王甫欲以貴  
人禮葬太尉李固自扶輿起擣椒自隨謂妻子曰若太

后不得配桓帝吾不生還矣 魏志春秋同異曰鍾繇

嬖庶子會之母黜其夫人文帝命繇復焉繇恚忿餐椒

致噤帝乃止 世說曰石崇以椒為泥泥屋王愷以赤

石脂泥壁 增宋書曰永泰元年王敬則起兵以奉子

恪為名子恪亡走未知所在始安王遙光勸上盡誅高

武諸子孫於是悉召諸王侯入宮孩幼者與乳母俱入

其夜令太醫煮椒二斛須三更當盡殺之子恪徒跣自

歸二更達建陽門刺啟已而上眠不起中書舍人沈徽

孚與上親信左右謀少留其事須臾上覺問曰未耶未耶乃賜王侯供饌明日悉遣還第唐書曰元載家籍得鍾乳五百兩胡椒八百石


### 椒三

原頌晉劉臻妻元日獻椒花頌曰美哉靈葩爰采爰獻聖容映之永壽於萬

原銘晉成公綏椒華銘曰嘉哉芳椒載繁其實厥味惟珍蠲除百疾肇惟歲始月正元日永介眉壽以祈初吉



原贊晉郭璞椒贊曰椒之灌植實繁有榛薰林烈薄醇其芬辛服之不已洞見通神



御定淵鑑類函卷四百十四

# 欽定四庫全書

子部

御定淵鑑類函卷四百十五

詳校官鴻臚寺少卿臣梁景陽

主事臣祁韻士覆勘

總校官進士臣繆琪

校對官中書臣王璜

謄錄監生臣蔡炎林

謄錄監生臣施銑

欽定四庫全書

御定淵鑑類函卷四百十五

木部四

楊柳

樁

檣

漆

杞

阜莢

黃楊

楮

梓

石南

楸

豫章

楊柳

原爾雅曰旄澤柳楊蒲柳

說文曰楊蒲柳也從木易

聲柳小楊也從木卯聲

崔豹古今注曰白楊葉圓青

楊葉長柳葉亦長細移楊江東呼為夫移圓葉弱蒂微

風則大搖故名高飛一曰獨搖蒲柳生水邊葉似青楊

亦曰移柳亦曰水楊即蒲楊也支勁韌任大用又有赤楊霜降則葉赤材理亦赤也 廣志曰白楊一名高飛木葉大於柳也 增本草李時珍曰楊枝硬而揚起故謂之楊柳枝弱而垂流故謂之柳蓋一類二種也楊柳縱橫倒順插之皆生春初生柔荑即開黃蕊至春晚葉長成後蕊中結細黑子蕊落而絮出如白絨因風而飛入池沼化為浮萍黃蕊即花其子乃絮也 原易大過卦曰枯楊生稊老夫得其女妻 詩曰揚之水不流束

蒲

疏曰蒲柳有兩種皮正青者曰小楊皮紅者曰大楊葉皆長廣可為箭幹

又曰折柳樊

圃

又曰東門之楊其葉牂牂 又曰昔我往矣楊柳

依依

又曰北山有柳

又曰苑彼柳斯鳴蜩嘒嘒

又曰有苑者柳不尚息焉

大戴禮曰正月柳穉

穉者發葉

也

左傳曰董澤之蒲

山海經曰廆山之西有谷焉

名曰藿谷其木多柳

又曰鳳伯之山熊山真陵之山

木多柳

又曰平丘山爰有楊柳

又曰沃民之國有

白柳 增三齊略記曰臺城東南有蒲臺高八尺始皇

所頓處在臺下縈馬至今蒲上猶縈似水楊而堪為箭

原盛弘之荊州記曰緣城堤邊悉植細柳綠條散風

清陰交陌 增唐書曰吐蕃風土寒苦物產貧薄所部

邏婆川惟有楊柳人以為資更無草木 原管子曰五

沃之土宜柳 戰國策曰夫楊橫樹之則生倒樹之則

生折而樹之又生然十人拊之一人拔之則無楊矣且

以十人衆拊易生之物然而不勝一人拔者何也拊之

難而去之易故也 崔寔四民月令曰三月三日以及

上除采柳絮可以愈瘡 夢書曰楊為使者 增宋高  
僧傳曰西域尼拘律陀樹即東夏之楊柳西域人來止  
稱尼拘 原文選曰長楊映碧沼 又曰修楊夾廣津  
又曰細柳夾道生 又曰春林本自奇楊柳最相宜  
又曰鬱鬱園中柳 又曰柳條恒著地 又曰弱柳  
陰脩衢 增杜甫詩曰歸院柳邊迷 劉禹錫詩曰長  
安陌上無窮樹惟有垂楊館別離

楊柳二

原戰國策曰楚有養由基善射去楊葉百步而射之百發百中 琴操曰昔思草子尹文子叔儋子相與為友聞楚成王賢俱往見之至嶽巖之間卒逢飄風暴雨共伏於空柳之下衣寒糧乏自度不能俱活以革子為賢乃共衣糧與之二子遂凍餓而死革子見楚王楚王知其賢陳酒設鐘鼓而樂之革子操琴而作別散之音楚王賜百金以葬二子 漢書曰昭帝時上林苑中大柳樹臥地一朝起生枝葉有蟲蝕其葉為字曰公孫病已



立及昭帝崩亡嗣大臣迎立昌邑王王即位淫亂失道  
霍光廢之更立昭帝兄衛太子之孫是為宣帝帝本名  
病己 增晉書曰嵇康性絕巧而好鍛宅中有一柳樹  
甚茂乃激水園之每夏月居其下以鍛東平呂安服康  
高致每一相思輒千里命駕 原世說曰王恭字孝伯  
美姿容人多悅之或目之曰濯濯如春月之柳 增晉  
書曰顧愷之癡信小術桓靈寶嘗以一葉柳紿之曰此  
蟬翳葉也以自蔽人不見己愷之引葉自蔽靈寶就溺

焉愷之信不見益珍重之俗傳愷之有三絕此癡之一絕 又曰陶侃於武昌道上植柳人有竊植于家者侃見停車識之竊者服罪世美其明察 又曰桓溫自江陵北伐行經金城見少為瑯琊時所種柳皆已十圍慨然曰木猶如此人何以堪攀枝執條泣然流涕 又曰陶潛字淵明為彭澤令宅邊栽五株柳號五柳先生著五柳先生傳 世說曰顧悅之與晉簡文帝同年悅之鬚早白帝問卿何以先老對曰蒲柳之姿望秋而落松柏

之質隆冬轉茂 齊書曰王敬則嘗使虜於北館種楊

柳後虞長曜北使還敬則問所種柳大小長短曜曰虜

中以為甘棠 又曰何點性好事聞陸慧曉與張融並

宅宅間有池池上有二柳樹點歎曰此池便是醴泉此

樹便是交讓

益州有交讓樹兩兩相對互枯互生歲不俱盛

又曰阮孝緒建

武末清溪宮東門無故自崩大風拔東宮門外楊樹以

問孝緒曰清溪皇家舊宅齊為木東為木位今東門自

壞木其哀矣 原又曰劉悛之為益州刺史獻蜀柳數

株枝條甚長狀若絲縷時舊宮芳林苑始成武帝以植於太昌靈和殿前常玩咨嗟曰此楊柳風流可愛似張緒當年時其見賞愛如此 續搜神記曰上虞魏金家在縣北忽有一人著孝子服皁笠手巾掩口來詣金家語曰居有錢一千萬銅器亦如之大柳樹錢在其下取錢當得其書居大不吉僕尋為君作此便去自爾出三十年遂不復來金亦不取錢 孔氏志怪曰會稽盛逸嘗晨興路未有行人見門內柳樹上有一人長二尺衣

朱衣冠冕俯以舌舐樹葉上露良久忽見逸神意如驚  
遽即隱不見 增隋書曰渤海公高潁孩孺時家有柳  
樹高百許尺亭亭如車蓋里中父老曰此家當出貴人  
唐書曰韋虛心父維為郎時蒔柳於郎省及虛心位  
郎對之輒斂容 李集去思頌曰李錫天寶中為虞城  
令蠡丘館東有三柳公往來憇之飲水則去行路勿剪  
比于甘棠 唐書曰呂渭為禮部侍郎中書省中有柳  
樹建中末枯死興元元年車駕還京其樹再榮人以為

瑞柳渭以為賦題上聞而惡之渭因入閣遺失請託文

記遂出為潭州刺史 又曰范希朝遷振武節度使初

單于城池舊少樹希朝于他處市柳子命軍人種之俄

遂成林居人賴之 宋史曰辛仲甫知彭州州少種樹

暑無所休仲甫課民栽柳蔭行路郡人德之名為補闕

柳 遼史曰色克色哩儀苦旱擇吉日行以祈雨前期置百

柱天棚及期乃射柳皇帝再射親王宰執以次各一射

中柳者質誌柳者冠服不中者以冠服質之不勝者進

飲于勝者然後各歸其冠服又翼日植柳天棚之東南  
巫以酒醴黍稷薦植柳祝之皇帝皇后祭東方畢子弟  
射柳

### 楊柳三

原流絲 飛絮 枚乘柳賦階草漠漠白日遲遲吁嗟細柳流亂輕絲下見柳五伍緝之賦

東門葉 北郭枝 北郭門馬樊不肯馳下車少躑躅上見柳一毛詩阮瑀樂府駕出

仰折楊柳枝

赤葉

綠條 上詳柳一古今注陳琳柳賦偉姿逸態英豔妙奇綠條縹葉

雜還織履

蔚通衢

陰清沼

劉義恭擬陸士衡詩曰綠柳蔚通衢青槐蔭脩垆謝尚

贈王彪之詩曰長楊  
陰清沼游魚戲綠波

增展禽家植

女媧墳生

許慎

子注曰展禽家植柳身行惠德因號柳下惠

唐書乾

元中號州奏閩鄉縣界女媧墳天寶十三載大雨晦暝  
失所在至夜河濱忽聞河中雷雨聲曉見其墳湧出

梁館

隋堤

梁孝王游于忘憂之館集諸游士各使為  
賦枚乘賦柳賜絹五疋

隋書曰煬帝自

板渚引河築街道植以柳  
名曰隋堤一千三百里

京兆市

曲江街

為漢張敞

尹走馬章臺街街有柳終唐世曰章臺柳故杜詩京兆  
空柳市羣芳譜唐曲江池畔多柳號為柳街謂成行

列如排

結帶

染衣

李義山集柳枝洛中里娘也聞  
誦義山燕臺詩乃折柳結帶贈

義山乞詩

三峰集

曰李固言未第前行古柳下聞有  
彈指聲固言問之曰吾柳神九烈君也用柳汁染子衣



矣第後以棗糕祀  
我許之果及第

黃金縷

綠絲絛李商隱柳詩已  
開

白玉花賀知章詩碧玉妝成一樹高萬條垂  
下綠絲絛不知細葉誰裁出二月春風似剪刀

# 楊柳四

增俄生左肘

莊子曰支離叔觀于冥伯之丘崑崙  
墟黃帝之所休俄而柳生其左肘

原

龍鱗鳳翼

陳琳柳賦

清德不衰

南史曰劉歙兄弟三人共  
處蓬室一間習業不廢聚

徒教授常有數十丹陽尹袁粲於後堂夜集聞而請之  
指廳事前古柳樹曰人謂此是劉尹時樹每想高風今  
復見卿清德可謂不衰矣歎  
增移植永豐唐宣宗聞  
樂府唱白  
居易柳枝詞有永豐西角荒園裏盡日  
無人屬阿誰之句乃下敕移植于坊中

紫筆綴巾

劉禹

錫柳絮詩紫迴謝女題  
詩筆點綴陶公漉酒巾

含烟帶雨

宋呂居仁詩含烟帶雨過平橋嫋嫋

千絲復萬條張令當年成  
底事風流纔似女郎腰

鳳州三出

墨客揮犀陝西鳳州有三出妓

女手皆纖白州境內生柳翠色可愛公庫多美醞故世  
言鳳州有三出手柳酒也又方輿覽勝建康有鳳州柳

蜀主與江南婚  
求得其種云

楊柳五

原詩古詩曰白楊初生時乃在豫章山上葉拂青雲下

根通黃泉 梁簡文帝詠柳詩曰垂陰滿上路結束早

知春花絮時隨鳥風枝屢拂塵欲散依依彩時要歌吹

人 又折楊柳詩曰楊柳亂成絲攀折上春時葉密鳥

飛礙風輕花落遲城高短簫發林空畫角悲曲中無別

意併是為相思 又和湘東王陽雲樓檐柳詩曰曖曖

陽雲臺春柳發新梅柳枝無極軟春風隨意來潭沲青

帷閉玲瓏朱扇開佳人有所望車聲非是雷 梁元帝

詠陽雲樓檐柳詩曰楊柳非花樹依樓自覺春林邊通

粉色葉裏映紅巾帶日交簾影因吹掃席塵拂檐應有

意偏宜桃李人 又折楊柳詩曰巫山巫峽長垂柳復

垂楊同心宜同折故人懷故鄉山似蓮花豔流如明月  
光寒夜猿鳴徹遊子淚沾裳 又綠柳詩曰長條垂拂  
地輕花上逐風露凝染綠葉小未障空 劉邈折楊  
柳詩曰高樓十載別楊柳濯絲枝摘葉驚開駛攀枝恨  
久離年年阻音息月月減容儀春來誰不思相思君自  
知 沈約翫庭柳詩曰輕陰拂建章夾道連未央因風  
結復解霑露柔且長楚妃思欲絕班女淚成行留人未  
應去為此還故鄉 陳祖孫登詠柳詩曰馳道藏烏日

鬱鬱正翻風，抽翠爭連影。飛綿亂上空，高葉臨秦塞。長  
枝拂漢宮，欲驗傷攀折。三春橫笛中，張正見賦得垂

柳映斜谷詩曰：十仞清溪險，三陽弱柳垂。葉細臨湍合，  
根空帶石危。風翻夾浦絮，雨濯倚流枝。不分梅花落，還  
同橫笛吹。隋杜之松敬和衛尉于卿柳詩曰：漢將本  
屯營，遼河有戍城。大夫曾取姓，先生曾得名。高枝拂遠  
鴈，疏影度遙星。不辭攀折苦，為入管絃聲。唐太宗春  
池柳詩曰：年柳變池臺，隨堤曲直迴。逐浪分陰去，迎風

帶影來疎黃一鳥哢半翠幾眉開紫雪臨春岸參差間  
早梅 又賦得臨池柳曰岸曲綠陰聚波移帶影疎還  
將眉裏翠來就鏡中舒 增李嶠柳詩曰楊柳鬱氤氲  
金堤總翠氛庭前花類雪樓際葉如雲列宿分龍影芳  
池寫鳳文短簫何以奏攀折為思君 李白折楊柳曰  
垂楊拂渌水搖豔東風年花明玉關雪葉煖金窓烟美  
人結長想對此心悽然攀條折春色遠寄龍庭前 杜  
甫柳邊詩曰只道梅花發那知柳亦新枝枝總到地葉

葉自開春紫燕時翻翼黃鵬不露身漢南應老盡霸上

遠愁人 段成式折楊柳曰枝枝交影鎖長門嫩色曾

沾雨露恩鳳輦不來春欲盡空留鶯語到黃昏 又曰

陌上河邊千萬枝怕寒愁雨盡低垂黃金穠短人多折

已恨東風不展眉 張喬楊花落詩曰北斗南回春物

老紅英落盡綠尚早韶風淡蕩無所依偏惜垂楊作春

好此時可憐楊柳花縈盈豔曳滿人家人家女兒出羅

幕淨埽玉除看花落寶環纖手捧更飛翠羽輕裾承不

着歷歷瑤琴舞袖陳飛紅拂黛憐玉人東園桃李芳已  
歇猶有楊花嬌暮春 司空圖詠宮柳詩曰莫道秋來

芳意違宮娃猶似妬蛾眉幸當玉輦經過處不怕金風  
浩蕩時草色長承垂地葉日華先動映樓枝澗松亦有  
凌雲分爭似移根太液池 又詠柳曰一籠金線拂彎

橋幾被兒童損細腰無奈靈和標格在春來依舊裹長  
條 張佖詠柳詩曰雪盡青門弄影微暖風遲日早鶯  
歸如憑細葉留春色須把長條繫落暉彭澤有情還鬱



鬱隋堤無主自依依  
世間惹恨偏饒此  
可是行人折贈

稀  
溫庭筠詠柳詩曰  
楊柳千條拂面絲  
綠烟金穗不

勝吹香隨靜婉  
歌塵起影伴嬌  
嬈舞袖垂羌管  
一聲何

處曲流鶯百轉  
最高枝千門九  
陌花如雪飛過  
宮牆兩

不知  
唐彥謙詠柳曰  
春思春愁一萬  
枝遠村遙岸寄

相思西園有雨  
和苔長南內無  
人拂檻垂遊客  
寂寥緘

遠恨暮鶯啼叫  
惜芳時晚來飛  
絮如霜鬢恐為  
多情管

別離  
宋翁靈舒詠衰  
柳曰風吹無一  
葉不復翠成窠

枝脆經霜氣根空入水波寒栖江鷺早暗出野螢多廢  
苑荒堤外人嗟舊迹過 元馬祖常楊花宛轉曲曰空

中游絲已無賴宛轉楊花猶百態隨風撲帳拂香奩度  
水點衣紫錦帶輕薄顛狂風上下燕子鶯兒各新嫁釵  
頭燼墜玉蟲初盆裏絲縑銀繭乍欲落不落春沼平無  
根無蒂作浮萍縵波繡苔總成媚人間最好是清明清  
明豔陽三月天帝里烟花市酒船石橋橫直人家好小  
海白魚跳碧藻榆莢荷錢怨別離不似楊花宛轉飛楊

花飛盡綠陰合更看明年春雨時

明楊基詠雪中柳

曰春雪晚蕭蕭隨鶯上柳條漸將絲共結終與絮俱飄  
淚粉凝啼眼珍珠壓舞腰東風自憐惜留映赤欄橋

又詠新柳曰濃如烟草淡如金濯濯姿容裊裊陰漸軟  
已無憔悴色未長先有別離心風來東面知春淺月到

梢頭覺夜深惆悵吳宮千萬樹亂鴉疎雨正沉沉謝

榛詠春柳曰黃鸝時復喚春遊陌上楊花漫不休幾向  
離筵搖落日莫教長笛動清秋輕烟直接都門外細雨

低臨灞水頭謾繫王孫金絡馬萋萋綠草有人愁

原賦魏文帝柳賦曰昔建安五年上與袁紹戰於官渡  
時余始植斯柳自彼迄今十有五載矣感物傷懷乃作  
斯賦曰伊中域之偉木瑰姿妙其可珍稟靈祇之篤施  
兮與造化乎相因四時邁而代運兮去冬節而涉春彼  
庶卉之未動固肇萌而先辰盛德遷而南移兮星鳥正  
而司分應隆時而繁育揚翠葉之青純脩幹偃蹇以虹  
指柔條阿那而虵伸上扶疎而孳散下交錯而龍鱗在

余年之二七植斯柳乎中庭始圍寸而高尺今連拱而  
九成嗟日月之逝邁忽疊疊以遙征昔周遊而處此今  
倏忽而成形感遺物而懷故俛惆悵以傷情於是曜靈  
次乎鶉首兮景風扇而增煖豐弘陰而博覆兮躬愷悌  
而弗倦四馬望而傾蓋兮行旅仰而廻睠秉至德而不  
伐兮豈簡卑而擇賤含精靈而寄生兮保休體之豐衍  
惟尺斷而能植兮信永貞而可羨 應瑒楊柳賦曰赴  
陽春之和節植纖柳以承涼攄豐節而廣布紛鬱勃以

敷陽三春脩其奄過景日赫其垂光振鴻條而遠疇迴  
雲蓋於中唐 繁欽柳賦曰有寄生之孤柳託余寢之  
南隅順肇陽以吐牙因春風以揚敷交綠葉而重葩轉  
紛錯以扶疎鬱青青以暢茂紛冉冉以陸離浸朝露之  
清液曜華采之猗猗 王粲柳賦曰昔我君之定武致  
天屈而徂征元子從而撫軍植嘉木于茲庭歷春秋以  
逾紀行復出于斯鄉覽茲樹之豐茂紛旖旎以脩長枝  
扶疎而覃布莖森梢以奮揚人情感于舊物心惆悵以

增慮行游目而廣望觀城壘之故處悟無生之語言信  
思難而存懼嘉甘棠之不伐畏取累於此樹苟遠跡而  
退之豈駕遲而不屢 晉成公綏柳賦曰宅京宇之西  
偏濱犢鼻之清渠啟橫門於大路臨九達之通衢愍行  
旅之靡休樹雙柳于道隅彌年載而成陰紛嬋媛而扶  
疎 伍輯之柳花賦曰步江臯兮騁望感春柳之依依  
垂柯葉而雲布揚零花而雪飛或風迴而游薄或霧亂  
而飈零野淨穢而同降物均色而齊明 傅休奕柳賦

曰美允靈之鑠氣兮嘉木德之在春何茲柳之珍樹兮  
稟二儀之清純受大角之禎祥兮生濛汜之遐濱參剛  
柔而定體兮應中和以屈伸長莖舒而增茂兮密葉布  
而重陰夾通塗與廣庭兮環清沼而成林於是玄雲被  
岳素景含暉泰液渥流朝露未晞是精靈之所鍾兮蔚  
鬱鬱以依依居者觀而弭思兮行者樂而忘歸夫其結  
根建本則固于泰山兼覆廣施則均於昊天雖尺斷而  
逾滋兮配生生于自然無邦壤而不植兮象乾道之屢



遷紛猗靡以從風兮若將往而復旋若乃豐葩茂樹長  
枝夭夭阿那四垂凱風振條同志來遊攜手逍遙

原序魏曹植柳頌序曰余以閑暇駕言出遊過友人楊  
德祖之家視其屋宇寥廓庭中有一柳樹聊戲刊其枝  
葉故著斯文表之遺翰遂因辭勢以譏當今之士

檉

原爾雅曰檉河柳

郭注曰河旁赤莖小柳也

增說文曰檉河柳也

從木聖聲 羣芳譜曰赤檉幹小枝弱皮赤葉細如絲

縷婀娜可愛一年三作花花穗長二三寸色粉紅如蓼  
花名檉柳一名雨師一名河柳一名人柳一名三眠柳  
一名觀音柳一名長壽仙人柳即俗所稱三春柳也春  
前以枝插之易生 詩曰啟之辟之其檉其椐 原南  
越志曰綏南縣多連山檉松杞梓 爾雅翼曰天之將  
雨檉先知之起氣以應又負霜雪不凋乃木之聖者也  
故字從聖又名雨師 酉陽雜俎曰涼州有赤白檉大  
者為炭復入灰汁可以煮銅 文選南都賦曰其木則

檉松楔櫟 三輔故事曰漢武帝苑中有柳狀如人號

曰人柳一日三起三眠

原詩梁簡文帝詠檉曰凌寒競貞節負雪固難虧無慙  
雲母桂詎減珊瑚枝 增明吳寬詠檉曰讀詩識其名  
誰謂材無用西戎每渡河此木能載重所以人字之豈  
在作梁棟兩株倚東籬計亦七年種相對垂青絲薦地  
來二仲

原頌梁江淹檉頌曰碧葉蒼鵠頰柯翕艷方陋筠櫟遠

笑荆棘

杞

增毛詩義疏曰杞柳生水旁樹如柳葉麤而白木理微赤今人以為轂 嚴粲詩緝曰詩有三杞無折我樹杞柳屬也南山有杞湛露在彼杞棘山木也集于苞杞隰有杞桷言采其杞枸杞也 孟子曰猶以杞柳為桮棬詩疏曰杞形似櫟一名狗骨

黃楊

增本草曰黃楊生諸山野中人家多栽插之枝葉攢簇  
上聳葉似初生槐芽而青厚不花不實四時不凋其性  
難長俗說歲長一寸遇閏則退今試之但閏年不長耳  
其木堅膩作梳剡印最良 酉陽雜俎曰世重黃楊以  
其無火也用水試之沉則無火凡取此木必以陰晦夜  
無一星伐之則不裂 蘇軾詩曰園中草木應無數唯  
有黃楊厄閏年

增賦宋歐陽修黃楊樹子賦并序曰夷陵山谷間多黃

楊樹子舟中望見之鬱鬱山際有可愛之色作小賦以  
歌之曰若夫漢武之宮叢生五柞景陽之井對植雙桐  
高秋羽獵之騎半夜嚴粧之鍾鳳蓋朝拂銀牀暮空固  
已歲稊近日的礫含風婆婆萬戶之側生長深宮之中  
豈知綠蘚青苔蒼崖翠壁枝翁鬱以含霧根屈盤而帶  
石落落非松亭亭似柏上臨千仞之盤薄下有驚湍之  
瀆激澗斷無路林高暝色偏依最險之處獨立無人之  
跡江已轉而猶見峰漸回而稍隔嗟乎日薄雲昏烟飛

露滴負勁節以誰賞抱孤心而誰識徒以竇穴風吹陰  
崖雪積歎山鳥之嘲哢裊驚猿之寂歷無游女兮長攀  
有行人兮暫息節既晚而愈茂歲已寒而不易乃知張  
騫一見須移海上之根陸凱如逢堪寄隴頭之客

# 梓一

原爾雅曰棟鼠梓

郭注曰楸屬也  
今江東有虎梓

椅梓

郭注曰  
即楸

增爾

雅翼曰說文言椅梓也梓楸也楸梓也楸同楸也然則

椅梓櫟楸一物四名而陸璣詩疏以楸之白理生子者

為梓梓實桐皮為椅齊民要術又以白色有角者為梓  
即角楸也又名子楸黃色無子者為椅楸又名黃荆楸  
但以子之有無為別其角細長如箸其長近尺冬後葉  
落而角猶在 本草蘇頌曰木似桐而葉小花紫又一  
種鼠梓即小雅云北山有楸是也 又李時珍曰梓有  
三種木理白者為梓赤者為楸梓之美文者為椅楸之  
小者為榎桐亦名椅與此不同此椅即尸子所謂荆有  
長松文椅者也 原詩曰北山有梓 又曰維桑與梓



必恭敬止 增孟子曰拱把之桐梓 原禮斗威儀曰

君乘火而王其政和平梓為長生 增山海經曰玉山

碧山多梓雞山美梓 埤雅曰梓為百木長故呼為木

王木莫良于梓故書以梓名篇禮以梓人名匠 爾雅

翼曰屋室有梓木則餘材皆不震 古今注曰梓實曰

豫章 齊民要術曰種梓法秋末冬初取梓角暴乾播

種一年薈之二年移之 玄中記曰凡梓木為楹居下

則木鳴謂之爭位 原文選曰斬泗濱之梓以為箏

梓二

增古史考云太姒夢太子發取周庭之梓樹於商闕化為松杞 原尚書大傳曰伯禽康叔見周公三見而三咎商子曰二子盍相與觀乎南山之陰見梓晉然實而俯反以告商子商子曰梓者子道也二子者明日見乎周公入門而趨登堂而跪周公拂其首勞而食之 增史記曰子胥將死告舍人曰必樹吾墓上以梓梓可為器而抉吾眼於吳之東門上以觀越兵入吳也 玄中

記曰秦文公造長安宮終南山有梓樹大數百圍蔭宮  
中公惡而伐之連日不尅輒大風雨夜有鬼問梓樹樹  
曰豈奈乎吾鬼曰若使三百人披頭以絲繞樹豈不敗  
汝樹默然明日人上言之公依此伐之時梓樹神化為  
青牛文公命騎擊之騎不勝或墮地髻解被髮牛畏之  
入澧水秦因是置旄頭使先驅 帝王世本云鄭客入  
函谷見素車白馬曰吾華山君願以一牘致瀉池見一  
大梓樹有文石取以扣樹當有應者書以與之鄭客如

其言見宮門如王者居謁者出受書入有頃書曰今年

祖龍死 漢武故事曰衛子夫入宮歲餘不得見涕泣

請出上曰吾昨夢子夫中庭生梓樹數株豈非天乎是

日幸之有娠 原漢書曰元帝初元四年皇后曾祖父

濟南東平陵王伯墓門梓柱卒生枝葉上屈劉向疏云

王氏先祖墳墓在濟南者其梓柱生枝葉扶疎上出屋

根垂地中雖立石起柳無以過此之明也 增後漢書

曰應順為冀州刺史廉直無私遷東平相賞罰必信吏

不敢犯有梓樹生於廳事後母至孝衆以為孝感之應  
豫章記曰松陽門內有大梓樹四十五圍樹先枯永  
嘉中一旦忽更榮華太興中元帝果繼大業

楸一

增爾雅曰槐

郭注曰槐當為楸

小葉曰榎大而散楸小而散榎

原又曰柏山榎

郭注今之山楸

增羣芳譜曰楸生山谷間

處處有之與梓本同末異生有行列莖幹喬聳至秋垂  
條如線謂之楸線其木濕時脆燥則堅良木也 本草

李時珍曰楸葉大而早脫故謂之楸榎葉小而早秀故

謂之榎 左傳曰季孫為己樹六榎於蒲圃東門之外

定姒薨匠慶請蒲圃之榎以為櫬君子曰多行無禮必

自及也 原史記曰淮北常山滎南河濟之間千樹楸

與千戶侯等 增正字通曰汝州多楸樹富弼知州時

手植數百本于後圃後人思其政建鄭公堂於楸林之

下 潘岳懷舊賦曰望彼楸矣感于予思 別賦曰望

青楸之離霜 陳思王曹植詩曰走馬長楸間 又曰

楸樹馨香倚釣磯

楸二

增詩唐韓愈庭楸詩曰庭楸止五株共生十步間冬有  
藤繞之上各相鈎連朝日出其東我常坐西偏夕日在  
其西我常坐東邊當晝日在上我在中央間仰視何青  
青上不見纖穿朝暮無日時我且八九旋濯濯晨露下  
明珠何照照夜月來照之萋萋自生烟我已自頑鈍重  
遭五楸牽客來尚不見肯到權門前權門衆所趨有客

動百千九牛亡一毛未在多少間往既無可顧不往自  
可憐 又楸樹二絕句曰幾歲生成為大樹一朝纏繞  
困長藤誰人與脫青羅帔看吐高花萬萬層 幸自枝  
條能豎立可煩蘿蔓作交加傍人不解尋根本却道新  
花勝舊花

豫章一

增本草李時珍曰豫章乃二木名一類二種顏師古曰  
豫即枕木章即樟木豫即所謂釣樟者也根似烏藥香



故又名烏樟 羣芳譜曰樟樹高丈餘小葉似栴而尖  
長背有黃赤茸毛四時不凋夏開細花結小子肌理細  
膩有文故名樟可雕刻氣甚芬烈大者數抱西南處處  
山谷有之可為居室器物又可製船易長根側分小木  
種之老則出火種勿近人家 禮斗威儀曰君政訟平  
豫章常為生 原陳留風土傳曰尉氏章樹生酸棗  
荊州記曰山陽縣豫章木徑可伐作鼓 增地里志曰  
豫章郡城南有樟樹長數十丈立郡因為名至晉永

嘉年間大茂 水經曰豫章城之西南有松陽門門內

有樟樹高七丈五尺大二十五圍枝葉扶疎垂陰數畝  
遊名山志曰樓石山多章枕皆三四五圍 鄧德名

南康記曰南康縣普永極源去郡並九百地多章枕樹  
原莊子曰騰猿得豫章攬蔓而生長於其間得便也  
淮南子曰藜藿蠕蠕然日加數寸不可以為櫨棟榱  
楠豫章之生也七年而後知故可以為棺舟 增神異  
經曰東方有豫章樹高千丈有工操斧旋斫旋合 新

語曰賢者之處世猶金石生于沙中豫章產於幽谷  
司馬相如上林賦曰梗楠豫章 郭璞南郊賦曰樊樟  
擢秀於祖邑 杜甫詩曰豫章翻風白日動 又曰豫  
章夾日月

豫章二

增高士傳曰堯聘許由為九州長由惡聞洗耳於河巢  
父見謂之曰豫章之木生於高山工雖巧而不能得子  
避世何不深藏 原左傳曰白公作亂殺子西子期曰

昔吾以力事君不可不終扶豫章以殺人而後死 增

述異記曰昔漢武二年立豫章宮於昆明池中作豫章木殿 應劭漢官儀曰豫章郡樹生庭中故以名郡以

此樹常中枯速永嘉中一旦更茂豐蔚如初咸以為中

宗之徵祥也 陳書曰侯景之平也太極殿被焚承聖

中議欲宮之獨闕一柱七月有章木大十八圍長四丈

五尺流泊陶家後渚監軍鄒子慶以聞詔書令沈衆兼

工部尚書構太極殿 夷堅續志曰建安麻沙鎮唐劉

翺手植樟木大十餘圍有異人曰此木之榮枯實關劉之盛衰至宋紹定間得樟實三枚有夢先者三舉兩魁後一幹微枯其年劉純沒後枯幹復榮又生黃花三朵是年劉領舉者三人凡有科擢必先見兆因呼瑞樟

豫章三

增賦唐敬括豫章賦曰東南一方淮海維揚爰有喬木是名豫章根坎窞簞天綱鬱四氣煥三光蠹縮雲聳披離翼張一擢而其秀穎發七年而其材莫當懿夫倚荆

衡連楚越廻合湘沅之浦分敷吳會之闕黯彭蠡而烟  
垂汨滄浪而吹發清輝豔豔朝灑陽臺之雲翠影亭亭  
夕皓巫山之月爾其孤幹直指交莖亂傾紺葉烟綠朱  
華日明掩冥靈之光價奪若木之芳榮卉不暇植蔓不  
及縈總此衆美疇與之京嗟乎向若廊君之林池充君  
之苑囿膏澤即沐鴻休亦覆門柳不可齊華庭梧不能  
獨秀已矣夫梓匠之瞻望靡及江潭之歲月空深誰當  
徙植天池畔終冀成君桃李陰

增記南宋黃庭堅壽樟記曰在建昌縣治項安世作壽樟亭初邑人李左司公懋仕于朝高宗常問樟公安否奏以枝葉婆娑四時常青何萬幾之暇眷眷乎遐方之一樟哉必閭閻纖悉轉而上聞抑念世家仁及此木也詔定聞令陳文孫刻圖于石焉

### 椿

增本草李時珍曰椿樗易長而多壽考故有椿栲之稱椿樗栲乃一木三種也椿木皮細實而赤葉香甘可茹

羣芳譜曰椿一作櫨一作杔一作櫛今俗名香椿木

身大而實其幹端直紋理細膩肌色赤皮有縱紋易起  
葉自發芽及嫩時皆香甘生熟鹽醃皆可茹 莊子曰  
古有大椿以八千歲為春八千歲為秋 鳳池編曰盧  
攜夢人贈句云若問登庸日庭椿不染風初不解其語  
後九年攜拜相庭下古椿一株雖狂風驟雨樹則不濕  
不搖 古詩曰椿松為佳友烟霞是舊隣 蘇軾集曰  
從今八百歲合抱是靈椿



增詩宋晏殊詠椿詩曰莪莪楚南樹杳杳含風韻何用  
八千秋騰凌詫朝菌 劉原父詩曰野人獨愛靈椿館  
館西靈椿聳危幹風揉雨練三月餘奕奕中庭映華傘  
樗

增本草曰北人呼樗為山椿江東呼為虎目樹亦名虎  
眼謂葉脫處有痕如虎之眼目又如樗蒲子故得此名  
又曰樗亦作樗字從寧其氣臭人呵嚔之也其木皮  
麤肌虛而白其葉臭惡歎年人亦采食樗即樗之生山

中者 原詩曰山有栲 又曰蔽芾其栲 增又曰南

山有栲

栲山栲也

原又曰南山有栲

莊子曰惠子謂莊

子曰吾有大樹人謂之樗其大本擁腫不中繩墨小枝

拳曲不中規矩立之塗匠者不顧今子之言大而無用

衆所同去也莊子曰今子有大樹何不樹之於無何有

之鄉廣莫之野逍遙乎寢臥其下 增又曰樗櫟散材

也

增詩唐白樂天詩曰香檀文杏苦雕鐫生理何能得自

全知有無材老樗否一枝不損盡天年

漆一

增許慎說文曰漆本作漆木汁可以髹物 本草曰漆  
樹春分前移栽易成其身如柿其葉如椿以金州者為  
佳故世稱金漆今廣浙中出一種漆樹似小榎而大六  
月取汁漆物黃澤如金即唐書所謂黃漆者也 詩曰  
阪有漆 史記曰陳夏千畝漆其人皆與千戶侯等  
又曰木器髹者千枚 莊子曰漆有用故割之 抱朴

子曰淳漆不黏者服之通神長生或以大蟹投其中或以雲母水或以玉水合之服至一年六甲行厨至也古詩曰以膠投漆中誰能解離此

漆二

增滑稽傳曰二世欲漆其城優旃曰善佳哉漆城蕩蕩寇來不可上即欲就之易為漆耳顧難為蔭室後漢書曰樊宏父重嘗欲作器物先種梓漆時人嗤之積以歲月皆得其用向之笑者咸求假焉貲至鉅萬追爵謚

為壽張敬侯 又方藝傳曰樊阿從華佗求方可服食  
有益於人者佗以漆葉青黏散與之

阜莢一

增廣志曰雞棲子阜莢也 本草李時珍曰一名烏犀  
一名懸刀所在有之樹高大葉如槐葉瘦長而尖枝間  
多刺夏開細黃花結實有三種一種小如猪牙一種長  
而肥厚多脂而黏一種長而瘦薄枯燥不黏以多脂者  
為佳其樹多刺難采以篋簪其樹一夜自落亦一異也

不結實者鑿一孔入生鐵三五斤泥封之即結一種肥  
阜莢樹葉如檀莢如雲實之莢肥厚多肉內有黑子數  
顆如漆而堅中有白仁如栗煨熟可食作丸澡身去垢  
勝于阜莢 范子計然曰阜莢出三輔上價一枚一錢  
扶南傳曰安息國出酢阜莢可食 洛陽宮殿簿曰  
建始殿前槐及阜莢二十株

阜莢二

增南史曰明帝每用阜莢訖授餘灥與左右曰此猶堪

明日用 三國典略曰梁元初甘露降荊州阜莢樹

陳書曰梁末童謠云不見馬上郎只有黃塵起黃塵汚  
人衣阜莢相料理及王僧辨平羣臣奏高祖曰王僧辨  
本乘巴馬擊侯景馬上郎王字也黃塵陳也世不解阜  
莢之義及陳滅於隋氏姓楊楊者羊也說者以江東人  
謂殺羊角為阜莢 神仙傳曰劉綱受老君道成上大  
阜莢樹飛去入雲 又曰雲翁斬阜莢樹以杯承之皆  
是好酒

楮

增本草李時珍曰楮一名穀

音溝亦作構

一名穀桑按許慎

說文曰楮穀乃一種也不必分別惟辨雌雄耳雄者皮斑而葉無極又三月開花成長穗如柳花不結實歟年人采花食之雌者皮白而葉有極又開碎花結實如楊梅蜜煎可作果食南人剥皮擣煮造紙亦緝練為布其木腐後生菌耳味甚佳好書曰毫有祥桑穀共生于朝詩曰樂彼之園其下維穀蔡倫本傳曰造意用



楮膚麻頭敝網以為紙 廣州記曰蠻夷取穀皮熟搥  
為揭裏罽布以擬氈 列子曰宋人有為其君以玉為  
楮葉者三年而成亂之楮葉中不可別遂食宋國列子  
聞之曰使天地生物三年而成一葉物之有葉者寡矣  
元袁桷澄懷錄曰永徽中定州僧欲寫華嚴經先以  
沉香種楮樹取以造紙

增詩宋蘇軾宥老楮詩曰我牆東北隅張王維老穀樹  
先樗櫟大葉等桑柘沃流膏馬乳漲墮子楊梅熟胡為

尋丈地養此不材木靜言求其用略數得五六膚為蔡  
生紙子入桐君錄黃繒練成素黝面頰作玉灌灑蒸生  
菌腐餘光吐燭雖無傲霜節幸免狂酲毒孤根信微陋  
生理有倚伏投斧為賦詩德怨聊相續 蘇轍詩曰植  
根雖云固伐去曾須臾我塗雖不寬出入自有餘開門  
聽來往并納賢與愚 王安石詩曰可惜臺上楮轉日  
已陰繁不解詩人意何為樂彼園

石南

增本草曰生於石間向陽之處故名石南株極有高大者江湖間出者葉如枇杷上有小刺凌冬不凋春生白花成簇秋結細紅實關隴間出者葉如莽草青黃色背有紫點無花實葉至茂密陰翳可愛 任昉述異記曰曲阜古城有顏子墓墓上石南二株可三四十圍土人云顏子手植 太真外傳曰上發馬嵬行至扶風道旁見石南樹愛玩久之因目為端正樹蓋有所思也

增詩唐白居易石南詩曰傘蓋低垂金翡翠薰籠亂搭

繡衣裳春芽細炷千燈焰夏藥濃焚百和香 權德輿

詠石南詩曰石南紅葉透簾春憶得妝成下錦裯試折  
一枝含萬恨分明說向夢中人 王建看石南花詩曰

留得行人忘却歸雨中須是石南枝明朝獨上銅臺路  
容見花開少許時 孟郊和宣州錢判官使院廳前石  
南樹詩曰太朴既已判衆材爭萬株懿茲南海華來此  
北壤俱生長如自惜雪霜無凋渝籠籠抱靈秀簇簇抽  
芳膚寒日吐再豔潁子流細珠鴛鴦花數重翡翠葉四

鋪雨洗新妝色一枝如一姝  
聳異敷庭際傾妍來坐隅  
散彩飾几案餘輝盈盤盂  
高意因造化常情逐榮枯  
主公方寸中陶植在須臾  
養此奉君子賞覲日為娛  
始覺石南詠價傾賦兩都  
崇頌庶可比桂詞難以踰  
因謝丘墟木空採落泥塗  
時來開佳姿道去臥枯株  
爭芳無由緣受氣如鬱紆  
抽肝在郢匠歎息何踟蹰

御定淵鑑類函卷四百十五